

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-11-2278/22-AP-2
Datum: 29.8.2022.. godine

PROGRAM

ZBRINJAVANJA BIVŠIH RADNIKA PREDUZEĆA U STEČAJU ILI POSTUPKU LIKVIDACIJE SA PODRUČJA GRADA ZAVIDOVIĆI



Broj: 02-11-2278/22-AP-2
Datum: 29.8.2022.. godine

PROGRAM ZBRINJAVANJA BIVŠIH RADNIKA PREDUZEĆA U STEČAJU ILI POSTUPKU LIKVIDACIJE SA PODRUČJA GRADA ZAVIDOVIĆI

1. Izvor finansiranja i nosilac realizacije Programa

S ciljem iznalaženja rješenja za socijalno zbrinjavanje bivših radnika radnika preduzeća u stečaju ili postupku likvidacije sa područja grada Zavidovići, Grad Zavidovići sačinio je „Program zbrinjavanja bivših radnika preduzeća u stečaju ili postupku likvidacije čije je sjedište bilo registrovano na području grada Zavidovići. (u daljem tekstu: Program).

Finansijska sredstva koja su potrebna za realizaciju Programa planirana su u ukupnom iznosu od 1.050.000,00 KM, odnosno 3.000,00 KM po korisniku Programa koji je evidentiran kao nezaposleno lice kod JU Služba za zapošljavanje Zeničko-dobojskog kantona, odnosno 1.000,00 KM po korisniku Programa koji je u momentu realizacije ovog programa zaposlen krog noovg poslodavca.

Izvor finansiranja Programa je Vlada Zeničko-dobojskog kantona, putem resornog Ministarstvu za rad, socijalnu politiku i izbjeglice Zeničko-dobojskog kantona.

Nosilac realizacije ovog Programa je Grad Zavidovići u saradnji sa JU Centar za socijalni rad Zavidovići.

2. Cilj Programa

Program se realizuje s ciljem materijalnog zbrinjavanja bivših radnika preduzeća sa područja grada Zavidovići, a koja su u postupku stečaja ili likvidacije tih preduzeća ostali bez posla.

3. Ciljna skupina

Programom će biti obuhvaćene osobe koje su bivši radnici preduzeća u stečaju ili postupku likvidacije čije je sjedište bilo registrovano na području grada Zavidovići, koje su prijavljene na evidenciji nezaposlenih osoba na području Zeničko-dobojskog kantona ili koje su u momentu realizacije ovog programa zaposlene kod novog poslodavca, pod uslovom da ispunjavaju kriterije utvrđene ovim programom.

4. Kritereji za odabir korisnika

Korisnici Programa mogu biti bivši radnici preduzeća u stečaju ili postupku likvidacije čije je sjedište bilo registrovano na području grada Zavidovići koji ispunjavju sljedeće kriterije :

NEZAPOSLENI

- a) da imaju prijavljeno prebivalište na području ZDK, najmanje 2 (dvije) godine,
- b) da su evidentirani na spiskovima bivših radnika pravnih lica čije je sjedište bilo registrovano na području grada Zavidovići, a nad kojim je otvoren postupak stečaja ili likvidacije.
- c) da se nalaze na evidenciji nezaposlenih osoba JU Služba za zapošljavanje Zeničko-dobojskog kantona,
- d) da nisu korisnici naknade za nezaposlenost,

ZAPOSLENI KOD NOVOG POSLODAVCA

- a) da imaju prijavljeno prebivalište na području ZDK, najmanje 2 (dvije) godine,
- b) da su evidentirani na spiskovima bivših radnika pravnih lica čije je sjedište bilo registrovano na području grada Zavidovići, a nad kojim je otvoren postupak stečaja ili likvidacije.
- c) da primanja koja ostvaruju kod novog poslodavca ne prelaze iznos, posljednje objavljene prosječne plaće Zeničko-dobojskog kantona

5. Način realizacije

Po odobravanju sredstava za realizaciju Programa od strane Vlade Zeničko-dobojskog kantona Grad Zavidovići će sa JU Centar za socijalni rad Zavidovići zaključiti Sporazum o realizaciji Programa u kojem će biti preciznije uređen način realizacije isplate sredstava do krajnjih korisnika Programa.

Gradonačelnik Grada Zavidoviće će svojim rješenjem imenovati Komisiju za izbor korisnika, čiji će zadatak biti utvrđivanje ispunjenosti uslova/kriterija za izbor konačnih korisnika Programa, sa spiskova bivših radnika pravnih lica čije je sjedište bilo registrovano na području grada Zavidovići, a nad kojim je otvoren postupak stečaja ili likvidacije.

Nakon što Komisija izvrši ocjenu ispunjenosti uslova/kriterija i izvrši verifikaciju konačnih korisnika u skladu sa kriterijima utvrđenim u Programu, Grad Zavidovići će u skladu sa odredbama Sporazuma zaključenog sa JU Centar za socijalni rad Zavidovići pristupiti realizaciji Programa do krajnjih korisnika istog.

Centar za socijalni rad Zavidovići će prema dobijenim podacima, odnosno spisku konačnih korisnika Programa verificiranom od strane imenovane Komisije sa naznačenim brojevima tekućih računa imenovanih otvorenih kod komercijalnih banaka, novčana sredstva u iznosu od po 3.000,00 KM za nezaposlene korisnike odnosno 1.000,00 KM za zaposlene isplatiti na račune konačnih korisnika Programa.

6. Izvještavanje



Grad Zavidovići i Centar za socijalni rad Zavidovići, svako u svom okviru svojih utvrđenih zadataka/obaveza, sačiniti će Izvještaj o realizaciji Programa.

Konačni narativni izvještaj o realizaciji Programa sa izvještajem o radu Komisije za izbor konačnih korisnika, te finansijski izvještaj o namjenskom utrošku odobrenih sredstava Grad Zavidovići će dostaviti najkasnije 30 (trideset) dana po izvršenoj isplati sredstava konačnim korisnicima Programa.

7. Pravljanje namjenskog utroška sredstava

Grad Zavidovići će u roku 7 (sedam) dana dostaviti pravljanje o doznaci ukupnih sredstava za realizaciju Programa JU Centru za socijalni rad Zavidovići a pravljanje o izvršenim pojedinačnim isplatama korisnicima dostaviti će uz narativni Izvještaj po okončanju Programa.

Obradio : Idriz Alihodžić



PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. Pravnik



Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu, broj: 02-11-1194/22 od 20.01.2022. godine i broj: 02-11-12327/22 od 11.08.2022. godine na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 171. sjednici, održanoj dana 08.09.2022. godine, d o n o s i

ODLUKU

o davanju saglasnosti na Program socijalno-intervenirajuće pomoći bivšim radnicima privrednih društava u stečaju ili postupku likvidacije sa područja grada Zavidovići

Član 1.

(Predmet)

(1) Daje se saglasnost na Program socijalno-intervenirajuće pomoći bivšim radnicima privrednih društava u stečaju ili postupku likvidacije sa područja grada Zavidovići.

(2) Odobravaju se Gradu Zavidovići sredstva u iznosu od 1.050.000,00 KM (slovima: milioni pedesethiljada konvertibilnih maraka), na ime finansiranja realizacije Programa iz stava (1) ovog člana.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), razdjel 20, budžetska organizacija 01, potrošačka jedinica 0001, ekonomski kod 614100, subanalitika KAD 207, pozicija Budžeta: „Ostali socijalni transferi“.

Član 3.

(Uplata sredstava)

Odobrena sredstva će se uplatiti na depozitni račun Grada Zavidovići broj: 1020320000027070, vrsta prihoda 732114, šifra grada 102, koji je otvoren kod Union banka.

Član 4.

(Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Grad Zavidovići, svako u okviru svojih nadležnosti.

Član 5.

(Izvještavanje)

Obavezuje se Grad Zavidovići da izvještaj o realizaciji Programa, te finansijaki izvještaj o namjenskom utrošku odobrenih sredstava dostavi najkasnije 30 (trideset) dana po izvršenoj isplati sredstava konačnim korisnicima Programa, a najkasnije do 31.12.2022. godine.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-M-13609/22

Datum, 08.09.2022. godine
Zenica



DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo finansija,
- 1x Grad Zavidovići, putem Ministarstva,
- 1x „Službene novine Zeničko-dobojskog kantona“,
- 1x a/a.